



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE:

Komisija za izbor i imenovanja

Broj: 04-GV-02-449-5/22
Sarajevo, 15.03.2022. godine

Komisija za izbor i imenovanja Gradskog vijeća Grada Sarajeva, na 26. sjednici održanoj 15.03.2022. godine, razmatrala je:

5. Razmatranje mišljenja Odbora za dodjelu „Šestoaprilske nagrade Grada Sarajeva“ u 2022. godini

i podnosi predsjedavajućem Gradskog vijeća Grada Sarajeva sljedeći:


IZVJEŠTAJ

TAČKA

Razmatranje mišljenja Odbora za dodjelu „Šestoaprilske nagrade Grada Sarajeva“ u 2022. godini

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja sugeriše Predlagaču da razmotri sve primjedbe, prijedloge i sugestije kao prilog javnoj raspravi na Nacrt Odluke o uslovima i načinu dodjele „Šestoaprilske nagrade Grada Sarajeva“ koje su u prilogu ovog akta.



PREDSJEDAVAJUĆI KOMISIJE

Nihad Uk, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Hava Pandžić

Pošiljatelj:

Poslano:

Prima:


Predmet:

Amela Pašić

četvrtak, 10. mart 2022. 11:16

Gradsko Vijeće Sarajevo - pisarnica

Fw: Šesta sjednica Odbora za dodjelu "Šestoaprilske nagrade Grada Sarajeva" u 2022. godini



From: Igor Baros <optikabaros@yahoo.com>

Sent: 03 March 2022 12:47

To: Amela Pašić <amela.pasic@sarajevo.ba>

Subject: Re: Šesta sjednica Odbora za dodjelu "Šestoaprilske nagrade Grada Sarajeva" u 2022. godini

Postovana gos. Pasic,

Prema zaključku Odbora vam šaljem moje stavove koje smo se dogovorili da vam dostavimo.

1. Podržavam sve, sem člana 5 i 6 predloga koji je napravio Odbor u prethodnom mandatu.

Član 5 koji predlaže da se promjeni dodjela po oblastima već pojedincu, grupi i kolektivu ja ne podržavam.

Mislim da je sadasnje rjesenje dobro izbalansirano.

Član 7 podržavam, ali bi bilo dobro da predlagaci mogu biti tri dobitnika Nagrade.

2. Nisam saglasan da mora biti više predloga jer i jedan može biti odličan, pa ga ovim kriterijumom eliminiramo. U slučaju da dodje jedan predlog, a on ne zadovoljava kriterije, Odbor ga ne mora kandidirati.

3. Predlažem da se u Poslovnik doda član kojim se, nakon utvrđivanja liste kandidata, obavlja rasprava o kvalitetu pristiglih predloga, iz vizure članova Odbora, koji su pregledali pristiglu dokumentaciju.

A nakon toga se pristupa glasanju u skladu sa vazecim poslovnikom.

Očekujem da predsjedavajući gos. Nihad Uk, zajedno sa gradskim službama, objedini sve predloge i pošalje ih prema dogovoru.

Zahvaljujem se svim članovima Odbora na korektnom i uspješnom radu, a pravi sud će dati GV kada donese konačnu odluku.

Srdacan pozdrav svima, Igor Baros.

Poslano s mojeg iPada

25.02.2022., u 10:06, Amela Pašić <amela.pasic@sarajevo.ba> napisao:

Postovani gospodine Baros,

prijedloge iz proslog saziva Odbora cete dobiti na samoj sjednici kao informaciju.

Lijep pozdrav,

Amela

Dohvati [Outlook za iOS](#)

Šalje: Igor Baros <optikabaros@yahoo.com>

Poslano: Friday, February 25, 2022 7:23:07 AM

Prima: Amela Pašić <amela.pasic@sarajevo.ba>

Predmet: Re: Šesta sjednica Odbora za dodjelu "Šestoaprilske nagrade Grada Sarajeva" u 2022. godini

Postovana,

Potvrđujem prisustvo na sjednici.

<https://gradskovijece.sarajevo.ba/wp-content/uploads/2022/02/Odluka-o-priznanjima-i-nagradama-Grada-Sarajeva...pdf>

Molim Vas, da sjednici prisustvujete, a u slučaju spriječenosti izostanak najavite.

Predsjedavajući radnog tijela **Nihad Uk**

Naknadno dodane tačke u prijedlog dnevnog reda:

Napomena:

Uz poziv za sjednicu Odbora dostavlja se i Odluka o priznanjima i nagradama Grada Sarajeva, a Poslovnik o radu Odbora, Odluka o uslovima i načinu dodjele Šestoaprilske nagrade Grada Sarajeva i Javni poziv o uslovima i načinu predlaganja kandidata za dodjelu Šestoaprilske nagrade Grada Sarajeva su dostavljeni uz poziv za Prvu sjednicu Odbora. Vrijeme održavanja sjednice dogovoreno je s Predsjedavajućim Odbora.

Odjava

Odbor za dodjelu „Šestoaprilске nagrade Grada Sarajeva“ u 2022. godini

Sarajevo, 02. 03. 2022. godine

Poštovani,

Obraćam vam se pismenim putem uoči sedme sjednice Odbora za dodjelu „Šestoaprilске nagrade Grada Sarajeva“ zakazane u srijedu 02. 03. 2022. godine, a u svrhu predlaganja unaprijeđenje procedura u donošenju Odluke o uslovima i načinu dodjele „Šestoaprilске nagrade Grada Sarajeva“.

S obzirom na to da sam ove godine aktivno sudjelovao u radu Odbora volio bih skrenuti pažnju na slijedeće elemente:

Ove godine je u oblastima „Privreda“ i „Nauka i obrazovanje“ prijavljen samo po jedan kandidat koji je ispunjavao uvjete te je ušao u najuži izbor, a pretpostavljam da će i dobiti Šestoaprilsku nagradu Grada Sarajeva u oblastima za koje je kandidovan. Prvenstveno me iznenadilo da to nije samo slučaj u ovoj godini, nego i u prethodnim za ove oblasti. Ove dvije oblasti su temelj napretka i razvoja svake društvene zajednice i zasigurno znam da postoji mnogo kandidata u ovim oblastima, tako da moram pomisliti da oni koji bi htijeli i trebali prijavljivati kandidate nemaju povjerenja u regularnost sprovođenja odluka za dodjelu i u startu odustaju od kandidatura. Naravno, u konačnici to nije dobro za grad Sarajevo, jer javno devalvira vrijednost i značaj nagrade.

Pored toga mislim da je u ovakvim slučajevima, kada je samo jedan kandidat koji nema niti jednog protukandidata (bez kompetitivnosti), gdje bi takva osoba trebala da bude najbolja od najboljih u toj godini zvanično doima da je ona te godine bolja od svih, možda čak i od sebe samog. U ovakvim slučajevima smatram da je bolje ne dodijeliti nagradu u tim oblastima ukoliko ne postoje najmanje dva kandidata, jer se ne može primijeniti princip „Izvrsnosti“.


Nakon nekoliko polemika na prethodnim sjednicama po pitanju oblasti „Kultura i umjetnost“ volio bi skrenuti pažnju da je pojam kultura i umjetnost antropološki jako složen. Evidentno je da ove dvije stvari idu ruku pod ruku, odnosno da je umjetnost jedan od aspekata kulture, te da kultura ima još niz drugih oblika: materijalna, nematerijalna i dr. pa čak i „kultura sjećanja“ koja u našem gradu možda zaslužuje posebnu oblast i nagradu.

Konkretno, ukoliko se nagrada zove „Kultura i umjetnost“ onda ne bi trebalo biti „Kultura ili umjetnost“, jer podrazumjeva i uključuje oboje tj. umjetnička djela ili umjetničko djelovanje koje je stvorio pojedinac ili grupa i kao takva postaju dijelom kulture u određenoj zajednici, a ponekad ta zajednica može biti i cijeli svijet. Smatram da ovu oblast nagrađivanja treba precizno definisati, ili odvojiti nagradu umjetnosti od nagrade kulture, jer kultura obuhvata preširok spektar ljudskih ponašanja, djelovanja i pojava.

Osim „Šestoaprilске nagrade Grada Sarajeva“ postoji još par drugih nagrada, ali želim skrenuti pažnju na nagradu „Počasni građanin Grada Sarajeva“. Držim da dodjeljivanje ove nagrade ljudima koji su rođeni, žive i djeluju u Sarajevu u najmanju ruku zvuči apsurdno i čudno i da pritom pomisle: „Aha, utješno“.

Takva vrsta nagrade treba da se dodjeljuje pojedincima koji ne djeluju, niti žive ovdje, ali su dali doprinos gradu Sarajevu.

S poštovanjem,
Ahmed Imamović



Bosna i Hercegovina - Federacija Bosne i Hercegovine
Kanton Sarajevo - Grad Sarajevo
GRADSKO VIJEĆE

08	MAR	2022
01-090-047379/22		

Nihad Uk i Adi Škaljić
Klub vijećnika „ca Naše stranke u Gradskom vijeću Grada Sarajeva
Sarajevo, 8.3.2022.

BOSNA I HERCEGOVINA
FEDERACIJA BOSNE I HERCEGOVINE
KANTONA SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

Dostaviti:
Komisija za izbor i imenovanja Gradskog vijeća

**PREDMET: PRIJEDLOZI ZA IZMJENE I DOPUNE ODLUKE O
USLOVIMA I NAČINU DODJELE "ŠESTOAPRILSKE NAGRADE
GRADA SARAJEVA"**

PRIJEDLOG 1.

Važećim se smatraju prijave koje su poslane na dan koji je naveden kao zadnji u konkursu.

PRIJEDLOG 2.

Javni poziv poslati strukovnim udruženjima (udruženje poslodavaca, advokatska komora, udruženje zdravstvenih radnika, strukovni sindikati)

PRIJEDLOG 3.

Saglasni smo sa sugestijama iz izvještaja prethodnog saziva Odbora (2021. godina).

PRIJEDLOG 4.

Smanjiti ukupan broj nagrada na dvije, jedna za kolektive, druga za pojedince, bez obzira na društvene oblasti u kojima djeluju.

Klub vijećnika „ca NS



Predsjednik kluba, Adi Škaljić

Hava Pandžić

Pošiljatelj: Adi Škaljić <skaljic1987@gmail.com>
Poslano: ponedjeljak, 07. mart 2022, 16:17
Prima: Gradsko Vijeće Sarajevo - pisarnica; Amela Pašić
Predmet: Prijedlozi za izmjene i dopune Odluke o uslovima i načinu dodjele Šestoaprijske nagrade
Privici: Prijedlozi za izmjene i dopune Odluke o uslovima i načinu dodjele nagrade.pdf

Draga Amela

Prijedlozi Nihada Uka i Adija Škaljića su u prilogu.

Pozdrav



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-04-232/21
Sarajevo, 11.03.2021. godine

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, Izvještaj sa Šeste sjednice Odbora za dodjelu "Šestoaprilske nagrade Grada Sarajeva" u 2021. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a

Adresa: Hamdije Kreševljakovića 3
71000 Sarajevo, BiH

T. L. 1 627 98 01 6 650





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za dodjelu "Šestoaprilske nagrade Grada Sarajeva"

Broj: 04-GV-04-229-2/21

Datum: 05.03.2021. godine

Odbor za dodjelu "Šestoaprilske nagrade Grada Sarajeva" u 2021. godini, na Šestoj sjednici održanoj dana 05.03.2021. godine, razmatrao je:

1. Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

i dostavlja sljedeći:

IZVJEŠTAJ


Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

Nakon diskusije i sažetka Predsjedavajućeg, Odbor za dodjelu "Šestoaprilske nagrade Grada Sarajeva" je sa devet glasova "za" i jednim "suzdržanim" glasom usvojio sljedeće **zaključke**:

1. U članu 2., Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19) peti red, riječ: „grada“ mijenja se u riječ: „Grada“ (nomotehnička greška i dalje u tekstu)
2. U članu 2, drugi red, riječi „...podrazumijevaju se djela ostvorena u kontinuitetu koja se ocjenjuju kao doprinos...“, mijenjanju se i glase „...podrazumijeva se djelovanje i rezultati ostvoreni u kontinuitetu koji se smatraju doprinosom...“
3. U članu 3, pod a), riječi "za pojedince" mijenjanju se i glase „za pojedince i grupe“
4. U članu 3, pod b), ispred postojećih alineja, dodaju se nove alineje i glase:
 - „dobrotvorno, humanitarno, socijalno, edukativno, i drugo djelovanje namijenjeno većem broju korisnika, građana BiH kojima su uskraćena politička, građanska ili ljudska prava, socijalno isključenih, marginaliziranih ili ugroženih društvenih grupa unutar BiH, a putem kojeg je Grad Sarajevo pozitivno promoviran;
 - društveno-odgovorno djelovanje u kontinuitetu, uz puno poštivanje zakonskih normi, prava radnika i dokazana briga za zajednicu;
 - donatorski, humanitarni i sponzorski portfolio za društveno - korisne aktivnosti“.
5. Odbor za dodjelu „Šestoaprilske nagrade Grada Sarajeva“ u 2021. godini predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), odnosno predlaganja nove Odluke propiše da se, umjesto dodjele Nagrade po oblastima, dodjeljuje po jedna Nagrada, pojedincu, grupi i kolektivu.
6. Odbor predlaže da pravo predlaganja kandidata za Nagradu imaju i dobitnici "Šestoaprilske nagrade Grada Sarajeva".



7. Odbor predlaže da članove Odbora čine dobitnici "Šestoaprilske nagrade Grada Sarajeva" i istaknuti javni djelatnici grada Sarajeva.
8. Odbor predlaže gradonačelniku Grada Sarajeva da Gradskom vijeću predloži na razmatranje izmjene i dopune Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), ili novu Odluku, najkasnije do juna mjeseca tekuće godine, te da se u javnu raspravu uključi što veći broj subjekata.
9. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.

PREDSJEDAVAJUĆI ODBORA
 *Prof. dr. Velija Katica, s.r.*



Grad Sarajevo
City of Sarajevo

Broj: 01-GV-04-443/20
Datum: 02.04.2020. godine

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, izvještaj sa Sedme sjednice Odbora za dodjelu "Šestoaprilske nagrade Grada Sarajeva" u 2020. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a

Adresa: Hamdije Kreševljakovića 3
71000 Sarajevo, BiH





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odbor za dodjelu "Šestoaprilske nagrade Grada Sarajeva"

Broj: 04-GV-02-363-1/20

Datum: 09.03.2020. godine

Odbor za dodjelu "Šestoaprilske nagrade Grada Sarajeva" u 2020. godini, na Sedmoj sjednici održanoj 09.03.2020. godine, razmatrao je:

1. Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

i dostavlja sljedeći:

IZVJEŠTAJ

Davanje prijedloga, primjedbi i sugestija na Odluku o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), a u cilju predlaganja izmjena i dopuna

Nakon diskusije i sažetka Predsjedavajućeg, Odbor za dodjelu "Šestoaprilske nagrade Grada Sarajeva" je sa deset glasova "za" i jednim glasom "protiv" usvojio sljedeće zaključke:

1. Odbor za dodjelu „Šestoaprilske nagrade Grada Sarajeva“ predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva" („Službene novine Kantona Sarajevo“, broj 28/19), član 12. stav 2. mijenja i glasi: Odbor iz stava 1. ovog člana čini ukupno 13 članova i to 7 članova Komisije za izbor i imenovanja Gradskog vijeća i 6 članova iz reda istaknutih javnih djelatnika.
2. Odbor predlaže da se, prilikom izmjena i dopuna Odluke o uslovima i načinu dodjele "Šestoaprilske nagrade Grada Sarajeva", u članu 16. definiše da je minimum broj bodova većina od ukupnog broja članova Odbora (7).
3. Da se u izmjenama i dopunama Odluke propiše da kandidata ne mogu predložiti upravljačke strukture pravnih i fizičkih lica sa kojima je povezan.
4. Odbor za dodjelu „Šestoaprilske nagrade Grada Sarajeva“ predlaže da se u izmjenama i dopunama Odluke propiše da je potrebno da predlagač, pored pismene saglasnosti kandidata da prihvata kandidaturu, dostavi i relevantnu dokumentaciju da se protiv kandidata ne vodi krivični postupak, te da nije osuđivan.
5. Da se u izmjenama i dopunama Odluke propiše da Odbor neće razmatrati prijave i druge akte koji dođu nakon zatvaranja Javnog poziva.
6. Odbor za dodjelu „Šestoaprilske nagrade Grada Sarajeva“ predlaže da se kroz Poslovnik o radu Odbora definiše i zajedničko razmatranje predloženih kandidata od strane članova Odbora, u dvije sjednice, prije procesa glasanja.
7. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.



PREDSJEDA VAJUĆI ODBORA

Prof. dr. Velija Katica, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-04-455/20
Datum: 27.04.2020. godine

GRAD SARAJEVO
GRADONAČELNIK

U prilogu dopisa, dostavlja se na znanje, odnosno dalje postupanje, Izvještaj sa Osme sjednice Odbora za dodjelu "Šestoaprijske nagrade Grada Sarajeva" u 2020. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- naslovu
- evidenciji
- a/a

Adresa: Hamdije Kreševljakovića 3





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za dodjelu "Šestoaprilske nagrade Grada Sarajeva"

Broj: 04-GV-02-424-1/20

Datum: 16.03.2020. godine

Odbor za dodjelu "Šestoaprilske nagrade Grada Sarajeva" u 2020. godini, na Osmoj sjednici održanoj 16.03.2020. godine, razmatrao je:

3. Tekuća pitanja

i dostavlja sljedeći:

IZVJEŠTAJ

Tekuća pitanja

Nakon diskusije, te sažetka Predsjedavajućeg, Odbor je jednoglasno usvojio sljedeće zaključke:

1. Odbor za dodjelu „Šestoaprilske nagrade Grada Sarajeva“ predlaže da se, prilikom izmjena i dopuna Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), u članu 12. precizira kada prestaje mandat članova Odbora, te se predlaže da to bude usvajanjem Izvještaja o radu Odbora, na sjednici Gradskog vijeća.
2. Odbor predlaže da se, prilikom izmjena i dopuna Odluke propiše da se, članovi Odbora, izuzimaju prilikom glasanja, ukoliko su, na bilo koji način, povezani sa predloženim kandidatima za dodjelu „Šestoaprilske nagrade Grada Sarajeva“.
3. Zadužuje se Gradska služba za Gradsko vijeće da predložene zaključke dostavi gradonačelniku Grada Sarajeva na razmatranje i dalje postupanje.

PREDSJEDA VAJUĆI ODBORA

Prof. dr. Veliya Katica, s.r.



Pregled Dokumentata| Broj 28/19

Početna (/) / Dokumenti (/Docs/) / .Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 28/19

Na osnovu člana 26. stav 1. tačka 2. i tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici od 26.06.2019. godine, donijelo je

ODLUKU

O USLOVIMA I NAČINU DODJELE "ŠESTOAPRILSKE NAGRADE GRADA SARAJEVA"

Član 1.

"Šestoaprilska nagrada Grada Sarajeva" (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva, bez obzira na godinu ostvarenja, a koji doprinose ukupnom unapređenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine.

Član 2.

Pod značajnim ostvarenjima, u smislu ove Odluke, podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Član 3.

Kriteriji za dodjelu Nagrade su:

a) za pojedince:

- izuzetan doprinos u odbrani države Bosne i Hercegovine,

- postizanje značajnih rezultata u oblasti nauke, obrazovanja, zdravstva, socijalne zaštite, kulture, sporta, amaterskog stvaralaštva i drugih društvenih djelatnosti ili najboljih rezultata u teorijskom i praktičnom radu na pojedinom području javnog djelovanja,
- doprinošenje unapređenju radnih procesa kreativnim radom ili inovacijama,
- dobivanje domaćih i međunarodnih priznanja za vlastite inovacije,
- objavljivanje, prikazivanje, izlaganje, izvođenje ili prezentovanje na neki drugi način vlastitih ostvarenja značajnih za širu zajednicu,
- ugled i visoke moralne vrijednosti.

b) za pravna lica:

- upošljavanje većeg broja radnika,
- ostvarenje značajne dobiti u poslovanju,
- vršenje znatnijih ulaganja u proširenje proizvodnih i drugih kapaciteta,
- postizanje poslovnih uspjeha na nivou međunarodnih standarda,
- najmanje pet godina postojanja i kontinuiranog djelovanja,
- renome uzornog pravnog lica.

Član 4.

Za dodjelu Nagrade, početkom decembra, u sredstvima javnog informiranja objavljuje se javni poziv za predlaganje kandidata za dodjelu Nagrade u tekućoj godini i traje 45 dana.

Nagrada se dodjeljuje:

- Pojedincu
- Grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada), i
- Kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo).

Član 5.

Nagrada se ne može dodijeliti organima uprave svih nivoa vlasti u BiH, izabranim funkcionerima, poslanicima, vijećnicima svih nivoa vlasti u Bosni i Hercegovini i njihovim srođnicima za vrijeme trajanja njihovih mandata, kao ni zaposlenima u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrše u organu uprave.

Član 6.

Nagrada se dodjeljuje u obliku povelje, uz novčani iznos koji odlukom utvrđuje Gradsko vijeće na prijedlog Administrativne komisije Gradskog vijeća.

Kad se Nagrada dodjeljuje grupi, svaki član grupe dobija povelju.

Novčani dio Nagrade iz stava 1. ovog člana, raspoređuje se članovima grupe u jednakim iznosima.

Član 7.

Povelja iz člana 5. stav 1. i 2. Odluke sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa suhim grbom Grada Sarajeva, centriran na vrhu stranice formata A3. Ispod teksta iz stava 1. ovog člana, ispisuje se sljedeći tekst: "Na osnovu Odluke Gradskog vijeća Grada Sarajeva o dodjeli "Šestoapriilske nagrade Grada Sarajeva", broj __, dodjeljuje se:". Na sredini povelje je tekst: "ŠESTOAPRILSKA NAGRADA GRADA SARAJEVA", ime i prezime lica, odnosno imena članova grupe ili naziv kolektiva kojima se Nagrada dodjeljuje. Ispod teksta iz prethodnog stava, ispisuje se kratko obrazloženje, odnosno navodi se oblast rada i stvaralaštva u kojoj je dobitnik Nagrade ostvario značajne rezultate. U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika Grada Sarajeva. O izgledu Povelje, odlučuje Gradonačelnik uz prethodno mišljenje Komisije za izbor i imenovanja. Uz Povelju se uručuje i Odluka Gradskog vijeća Grada Sarajeva o dodjeli "Šestoapriilske nagrade Grada Sarajeva" za odgovarajuću godinu, kojom se utvrđuje vrsta i sadržaj Nagrade, dobitnik Nagrade, te uručivanje Nagrade od strane Gradonačelnika na svečanoj sjednici Gradskog vijeća Grada Sarajeva.

Član 8.

U jednoj godini može se dodijeliti najviše šest Nagrada, iz svake oblasti jedna, bez obzira da li se radi o pojedinačnoj, grupnoj ili kolektivnoj Nagradi.

Nagrada se istom licu, iz člana 4. Odluke, može dodijeliti samo jedanput.

Član 9.

Nagrada se dodjeljuje svake godine i uručuje 6. aprila, na Svečanoj sjednici Gradskog vijeća. Nagradu uručuje Gradonačelnik i Predsjedavajući Gradskog vijeća.

Član 10.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica, sa područja Sarajeva.

Subjekti iz stava 1. ovog člana, nemaju pravo isticanja sopstvene kandidature za Nagradu.

Prijedlog iz stava 1. ovog člana podnosi najviši kolektivni organ upravljanja, Skupština ili Upravni odbor odlukom tih organa o podnošenju prijedloga kandidata za Nagradu s tim da je uz prijedlog dužan dostaviti pismenu saglasnost kandidata da prihvata kandidaturu, te jasno definisati oblast za koju se kandidat predlaže.

Pravo predlaganja kandidata za Nagradu ima i Gradonačelnik.

Član 11.

Prijedlog iz stava 3. prethodnog člana dostavlja se u tri (3) primjerka sa detaljnim podacima i obrazloženjem.

Obrazloženje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže

za nagradu.

Član 12.

Gradsko vijeće imenuje Odbor za dodjelu "Šestoaprijske nagrade Grada Sarajeva" (u daljnjem tekstu: Odbor) najkasnije na oktobarskoj sjednici.

Odbor iz stava 1. ovog člana čine članovi Komisije za izbor i imenovanja Gradskog vijeća i šest istaknutih javnih djelatnika iz oblasti:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugih oblasti rada i stvaralaštva, za koje se Nagrada dodjeljuje.

Kolegij Gradskog vijeća Grada Sarajeva kandidira Komisiji za izbor i imenovanja kandidate za članove Odbora iz reda istaknutih javnih djelatnika, iz prethodnog stava. Komisija za izbor i imenovanja utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjedavajući i zamjenik Predsjedavajućeg Odbora se biraju na prvoj sjednici Odbora.

Mandat članova Odbora iz reda istaknutih javnih djelatnika traje do okončanja postupka izbora laureata za tu godinu.

Član 13.

Odbor iz prethodnog člana ove odluke, na prvoj sjednici, donosi Poslovnik kojim se uređuje način rada, a posebno se definiše tajnost rada Odbora i imena kandidata za dodjelu, do donošenja konačne odluke Gradskog vijeća o dodjeli Nagrade.

Poslovnikom iz stava 1. uređuje se način glasanja Odbora bodovanjem u drugom ili trećem krugu i to tako da kandidat koji ne ostvari minimalan broj bodova Odbora ne može biti predložen Gradskom vijeću na konačno odlučivanje.

Član 14.

Ukoliko Odbor u toku postupka za dodjelu "Šestoaprijske nagrade Grada Sarajeva" utvrdi da predloženi kandidat ispunjava uvjete za neku drugu oblast, Odbor može predložiti da se o njegovoj kandidaturi glasa u drugoj oblasti.

Član 15.

U prvom krugu, članovi Odbora glasanjem utvrđuju liste kandidata koji zadovoljavaju uvjete propisane Odlukom i Javnim pozivom u pojedinačnim oblastima.

Član 16.

U drugom krugu glasanja, Odbor primjenjuje način bodovanja, preciznije utvrđen Poslovníkom o radu, te Gradskom vijeću predlaže najmanje dva prvorangirana kandidata, ako ih je bilo dva ili više, u suprotnom jednog ukoliko je jedan kandidat dobio minimum broj bodova ili ni jednog ako nije dobio nijedan bod.

Gradsko vijeće donosi konačnu odluku tajnim glasanjem na zatvorenoj sjednici za javnost.

Član 17.

Ukoliko Odbor ocijeni da određeni prijedlog kandidata ne ispunjava uslove za dodjelu Nagrade, Odbor može uputiti inicijativu prema ovlaštenim predlagačima, gradskim vijećnicima ili gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 18.

Članovi Odbora se obavezuju na tajnost svih podataka o kandidatima, obavezuju se da ne daju izjave u medije ili preko društvenih mreža, sve do zvanično upućenog prijedloga Gradskom vijeću Grada Sarajeva.

Član za kojeg se utvrdi da je prekršio obavezu tajnosti, trajno se isključuje iz rada Odbora.

Član 19.

Nagrada koja se dodjeljuje pojedincu, odnosno grupi, može se oduzeti.

Pod oduzimanjem nagrade podrazumijeva se oduzimanje povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuđa, protiv službene i druge odgovorne dužnosti, protiv osnova društvenog uređenja i sigurnosti.

Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 20.

O oduzimanju Nagrade odlučuje Gradsko vijeće na prijedlog Odbora.

Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja.

Član 21.

Ukoliko priznanje, odnosno nagrada nije uručena dobitniku za života, predaje se članovima njegove uže porodice (bračni drug, djeca i roditelji) i o tome se izdaje potvrda.

Član 22.

Članovi Odbora imaju pravo na naknadu za svoj rad.

Visina naknade iz stava 1. ovog člana se utvrđuje na isti način kao i za ostala radna tijela Gradskog vijeća, a na prijedlog

Administrativne komisije Gradskog vijeća.

Član 23.

Sredstva za dodjeljivanje Nagrade i za rad Odbora obezbjeđuju se u Budžetu Grada Sarajeva i Odluci o izvršenju budžeta.

Član 24.

Služba Gradskog vijeća vrši stručne i administrativne poslove i vodi evidenciju o dodijeljenim Nagradama.

Član 25.

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

Član 26.

Danom stupanja na snagu ove Odluke prestaje da važi Odluka o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 3/17 - Prečišćeni tekst i 49/17).

Član 27.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-749/19
26. juna 2019. godine
Sarajevo

Predsjedavajući
Gradskog vijeća
Dr. **Igor Gavrić**, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014